

四庫全書

集部

欽定四庫全書

十五家詞卷七

休寧孫默編

宋琬二鄉亭詞下

長調

滿江紅

燕臺懷古

易水東流與西去
荆卿長別祖帳處
三千賓客衣冠如
雪
督亢圖中雷電作
咸陽殿上襟裾絕
恨夫人七首竟

何為同頑鐵 漸離筑笙歌 回博浪鐵車輪 折縱奇功
未就祖龍禡 魄一死翻令燕國感 九原悔與田光訣 歎
千年寒水尚蕭蕭 虹霓滅

王西樵客遊武林曹碩菴賦詞志喜屬予和之
花落錢唐江流濶潮痕初漲問足下何由至此布帆無
恙儵爾波濤如夢裏蹉然履齒來天上恰湘湖蓴菜十
分肥為君餉 西湖畔春波漾疎柳外歸樵唱有青油
畫舫烏程佳釀風暖遙傳靈隱磬天晴急策韜光杖倚

危欄百尺看銀塘龍蛇狀

其二

子與顧菴西樵
皆被奇禍得免

痛定追思瞿塘峽怒濤飛漲嘆北寺皋陶廟側何期無
恙莊鳥悲歌燕市外靈均憔悴江潭上問綈袍高誼有
還無曾誰餉愁萬斛東流漾五噫句春間唱恨埋憂
無地中山須釀故態狂奴仍未減尊前甘蔗還堪杖笑
邯鄲夢醒恰三人無殊狀

其三

西樵以南徐游
覽諸作見示

北固城頭兼天湧銀濤奔漲登覽處頓經戰伐金焦無
恙鼓柁龜鼉深窟畔振衣鶴雀危巢上手摩挲瘞鶴古
殘碑為余餉弓樣月波中漾欸乃曲橋邊唱望鄉心
倍切濃于春釀禽慶欲偕名嶽屨李邕幸免金吾杖笑
馬遷貨殖強裁書無聊狀

其四

西樵長齋佞
佛但不戒飲

春色闌珊繁花謝紅銷綠漲山一似西施瘦損捧心微
恙堤上長吟蘇白句樓頭高話羲黃上喜清齋久已絕

猪肝何須餉 風乍捲輕綃漾烟欲暝金衣唱愛信陵
作達沉埋醇釀禹穴天台春正好裹糧且辨青藤杖倩
君侯綵筆代丹青霞狀

其五

刀俎餘生欲斷葷者數矣
奈茹素輒饑故篇中及之

伏枕吳山羈愁共桐江春漲喜邂逅客星忽聚酒徒無
恙楊惲南山歌太苦鄒陽北闕書難上向精藍深處問
枯禪伊蒲餉 雙燕外游絲漾六橋側紅牙唱惜杜康
骨朽無人能釀我愧老饕難戒肉君方强健何須杖看

白
衣
蒼
狗
任
他
忙
浮
雲
狀

其六

吾道榛蕪狂瀾倒百川爭漲賴砥柱君家伯仲安流無
恙龜策何勞詹尹卜龍鬻遠過黃初上况陳思才藻氣
如虹詩堪餉請室耗心旌漾擊瓦缶烏烏唱看霜枝
綠鬚窮蒸愁釀放逐誰憐亭伯困登臨願借盧敖杖坐
西牕剪燭話通宵悲歡狀

其七

鐵崖領菴西樵雪洲小集寓中看演
邯鄲夢傳奇殆為余五人寫照也

古陌邯鄲輪蹄路紅塵飛漲恰半晌盧生醒矣龜茲無
恙三島神仙遊戲外百年卿相蘧廬上嘆人間難孰是
黃梁誰能餉 滄海曲桃花漾茅店內黃雞唱聞今來
古往一杯新釀蒲類海邊征伐碣雲陽市上修羅杖笑
吾儕半本未收塲如斯狀

其八

歸去來兮東臬下錦秋湖漲有不腆敝廬海曲年來多
恙避地人辭金馬後游仙伴我方壺上羨冰桃火棗大

如瓜麻姑餉 微雨過清溪
漾行樂耳提壺唱喜兒童
學灌山妻能釀處士三間容
膝屋仙人九節齊眉杖恨

衰年脚疾耳將聾新來狀

錦秋
湖名

贈趙千門謫官武林

竹馬鳩車游嬉日追隨里巷九萬里
風搏羊角相期同上作賦無過潘岳敏
論年頗愧袁絲長記蜃樓影裏望
蓬萊心何壯 八叉手誰能兩三舍
退予非讓惜娥眉
嫁晚仙宮蕊榜一柱觀頭堪拄笏
匡廬飛瀑三千丈羨

滕王高閣醉憑欄
王恭斲

其二

古郡洪都平反借
經綸妙手游
刃處昆刀并剪
氓冤立
剖詰曲羊腸真險絕
蘼蕪何事捐
新婦嘆樽前
涕淚染
琵琶青衫袖
湖水畔吳山
岫白傅再髯
蘇又更窮愁
詩好外孫
蓋白長笛倚樓
誰解道旗亭
歌徧諸伶口
向六橋烟雨
晚尋春後君
後

小女歸次淮北舉第三子真州聞報口占志喜

寄五文壻

齊女門前送歸鷓心旌搖漾忽報道石麟墜地言觀其
報阿大中郎誰得似吾家宅第非虛相羨鳩車竹馬爛
如雲烏衣巷 駒千里龍媒既歆朱汗精倣儻喜元燈
耿耿後來能亢蚌老珠胎應有驗渭陽滾滾肩相望伴
老夫醉裏踏青山扶筇杖

贈既庭弟

玉磬山房西窗下論文剪燭兒女輩挽衣問訊酒漿相

續往事堪驚如噩夢新愁欲話難更僕悵登山臨水送
將歸吾家玉 春草句勞心曲隋苑外逢南菊嘆雪中
鴻爪去來何速才子從來悲失路斯人豈合棲空谷約
明春鄧尉看梅花支公屋

題尤展成小像

賦奏凌雲真才子至尊親許長太息文章憎命驛騷失
主放逐身隨麋鹿伴英雄志偃蛟龍雨記錦裘躍馬出
榆關題詩處 白雪調無雙手曉風句諸伶口但鷹門

遣子烹葵呼婦祕笈已窺林屋洞新筓且醉蘭陵酒問
朱門高蓋幾人存東門狗

賀馮郡丞公子秋捷

甬上簪纓羨家世夔龍相繼歌頌遍青州父老白門子
弟共道平反陰德盛高車駟馬于公第果仙郎高折一
枝歸瑤臺桂 丹鳳翮青麟鬪龍為友神英銳看追風
箭電騰驤天際射策江都偕計日論年高密封侯歲問
傳臚第一屬何人馮當世

李方山歸自滇中喜而有贈

西子湖頭送君日楊花飛雪一萬里蠻烟瘴雨朱門空
謁雁字不傳滇海路蘆花正映清溪月向莫愁村畔話
離愁真奇絕 磨盾志空悲咽題柱願難消歇惜白頭
成錯六州之鐵鄉里兒曹偏面冷丈夫拓落因腸熱取
囊中詩卷共青萍燈前閱

其二

抱瑟歸來歎游子飄零南國君賀我商瞿有子狂歌浮

白大者纔能呼父執黃雞綠酒娛今夕但無如瓊樹倚
堦前誇雙壁吹玉笛長干陌攜蠟屐江淹宅曰身將
隱矣北山之北遠害且尋麋鹿伴那能老作諸侯客况
竹溪六逸尚堪招徂徠側

又壽方山

時年五十有一

齊魯之間許君是鬚眉男子歌伏櫪壯懷消滅肉生雙
髀草檄百蠻功未展裹糧五嶽游方始算春秋三萬六
千場平分矣鴻鵠志誰能擬薑桂質終難徙肯隨他

踰淮盧橘化而為枳孔北海豪杯筯在孟東野老詩篇
美倚江樓秋夜共吹簫魚龍起

從姜九綺季索畫

公子才華問驃騎何如第五几席上千巖萬壑丹青佳
譜不分胸中藏嶽瀆無端筆底驚烟雨歎虎頭神妙米
公顛今其伍 神禹廟松杉古西子里荆榛芥記蘭亭
曲水依稀曾覩拙宦長慚踈屐齒後游恨不生毛羽愛
雲門寺與赤城霞須君補

旅夜聞蟋蟀聲作

試問哀葢緣底事終宵鳴咽料得汝前身多是臣孤子
孽青瑣闥邊瓔珞草碧紗窗外玲瓏月况兼他萬戶擣
衣聲同淒切 梧葉落西風冽蓮漏滴征鴻滅似杜鵑
春怨年年啼血千里黃雲關塞客三秋紈扇長門妾背
銀缸和淚共伊愁床前說

有感

白眼看人誰作俑嗣宗為虐從此後爭相模倣傳來衣

鉢許史府中饒結駟翟公門外堪羅雀把乘車戴笠舊
時盟成高閣 交道喪多輕薄思管鮑何由作笑雲翻
雨覆一丘之貉對面九疑誰得料填胸五嶽安能鑿願
休將腐鼠嚇鵝雛翔寥廓

拜方正學先生祠

木末亭邊聽山鬼啾啾宵哭陽九厄衣冠道盡傷哉臣
僕七國肯因晁錯解先生禍比溫舒酷訝當年碧血濺
靡蕪今誰綠 魚服泣君王逐瓜蔓殺門生族歎詩書

種絕何人能續簡牘空餘南史恨松杉已見長陵禿
荒祠燈火尚青熒金甌覆

漢書人皆三族王溫舒五族
先生嘆血禁庭至今地無春

贈江都令軒轅汶湄

誰賦蕪城到今日堪悲鮑照凋瘵後急須和扁刀圭立
効御馬善稱東野畢投巫人羨西門豹有淮南父老詫
河清如公笑書下考仍長嘯辭五斗從吾好忽九霄
丹鳳銜來溫詔曠典河陽容借寇提封古驛原名邠隄

邵伯
驛 問縣魚挂壁尚依然庖丁道

水調歌頭

祝查伊璜七十

卮酒為君壽四座請無喧
歲星間是方朔聊復謫人間
歎息佳人空谷天遣平章花月蝦菜五湖船
月下雪兒唱新譜小遊仙
泛滄海窺禹穴夢邯鄲絲瞳華髮先
生骨貌轉偷然放跡烟霞之外高卧羲皇以上笑拍葛
洪肩莫向方壺去少駐一千年

滿庭芳

賀汪于梧舉第十一孫

圓號秋霞人如瓊樹新來鶴髮鬢華封人祝惟爾一
身兼佳氣充閣瑞靄石麟降蓬矢新添孫枝好荀龍有
八薛鳳又成三 華堂臨曲水堦翻紅藥杯映銀蟾更
高燒華燭低按鷓絃此日書祥太史報君家象緯頻占
分湯餅花前起舞詞客老江淹

漢宮春

秋日同姜如農給諫散步城隅歐陽公集有真
州東園記此其遺址也

白露蒼烟憶醉翁椽筆曾記東園高臺畫舫安在風物
依然重陽近也覓黃花共倚危欄楓林外澄江如練寒
鴉千點飛翻 頗怪并州舊尹早尊鱸夢斷偃仰丘樊
故鄉烏衣門巷衰草荒阡干戈滿地何從問盤谷斜川
君笑曰無如此處濠梁秋水之間

哭方爾止

吾友方干果貧如趙壹賦類相如平生傲晚成癖偏愛
狂奴盧龍塞上踐冰霜曾策疲驢堪下酒灤河鮮鯽君
言勝四腮鱸 猶記長干握手賀更生再世清淚霑裾
何圖此別千載鄰笛愁余傳經有女問何如六尺遺孤
腸斷處重開巾笥未裁劉秣陵書

數月前君有
書見貽未答

雙雙燕

題佟滙白中丞伯仲漁樵圖

皤然二老似江左風流惠連康樂綸竿七尺雨笠風簑

同著長嘯東臨海若攜手入天台採藥從公看奕仙家
擽取斧柯遺却行脚蒼巖翠壑笑肩拍洪崖弟酬兄
醉山中留客童子一雙馴鶴休戀烟霞高卧看早晚蒲
輪西洛須倩妙手長康重畫麒麟高閣

高陽臺

為朱鶴菴侍史王郎作

何處逢君落花時節嫩楊乍轉鶯簧小閣沉沉鄂君繡
被生香紅牙按罷渾無力倚東風更換霓裳背蘭缸橫

金少臣八
卷七
波偷展低問周郎 東君為汝傍徨倩珊瑚在枕玳瑁
為梁海燕同棲一時嬌艷無雙從此蛾眉忝意畫應見
慣不辨鸞鳳漫猜他佳人碧玉夫婿王昌

念奴嬌

郭璞墓

弘農太守挽羲輪三舍乃心王室龜策如神揀蠶尾臣
命盡於今日氣作長虹魂歸華表骨葬金鰲脊馮夷舞
罷數聲欵乃漁笛 安得溫嶠懷中通天犀借我下窺

龍國江左夷吾今在否石馬沉埋荆棘鐵甕旌旗金山
鐘磬閑盡興亡迹中冷滿酌一帆高挂遙碧

重過汪氏容園

辟疆池館是誰剪瓜步江流餘汜放逐餘生雙不借重
看水窮雲起怪石崿呀孤亭窈窕蘿薜藏山鬼行行且
止呼童為摘蒼耳堪歎滄海桑田洛陽金谷轉眼荆
榛裏舞榭歌臺真可惜愁殺烏衣燕子百頃清潭十圍
灌木桐又生孫矣故人攜手為言樹猶如此

九日王西樵姜如農程穆倩王爾調家伯獻登
慧光閣

昔人多事把今日名以佳名重九青女連宵渲染作淺
碧深黃林藪傑閣千尋長江一瀉瓜步晴如豆帆檣飛
下夕陽還繫堤柳 休問高會龍山參軍同幕府其人
存否古往今來屬我輩復共天涯杯酒目送飛鴻詩成
戲馬莫放持螯手遠公微笑醉中應恕狂叟

館金陵馴象門今廿有二年孫道宣以詞見示

賦此

長干西畔記鴉藏新柳朱樓之下問是盧家年十五嬌
小莫愁未嫁鸚鵡籠邊侍兒教演曾把髻奴罵鞦韆時
節玉簫聲在簾罅惆悵司馬清狂橫琴三弄却鳳求
凰也鞦鼓歸來人世換都付水流花謝修竹依然畫欄
何在俯仰餘悲咤唾壺鼓缺不禁清淚如瀉

丙午小春善伯希韓招諸同人宴集紅橋之韓

園分韻

玉鈞斜畔最傷心
游子斷腸難續佳麗繁華誰領畧
惟有清狂杜牧我輩重來為歎苦
短急辦三條燭天寒木落
佳人同倚修竹况乃詞客都豪
雍容車騎落筆雲烟簇
樂莫樂兮今夕會莫學阮公瘦
哭綠酒黃橙銀箏翠袖偷送
初成目朦朧別後知他何處
金屋

水龍吟

乙巳除日得家報新置木峪山莊慨然有終老之意喜而賦此

幾年鼎鑊風波賦
初衣菟裘纔築白雲萬疊蒼松千笏
清溪一曲歸去來
芳臨流設釣登山驅犢謝鄰翁問訊
叮嚀寄語第一事多栽竹
人世竟同蕉鹿夢驚回黃
梁方熟天公賜與一丘一壑數椽茅屋急辦長鏡早營
圓笠樂吾盤谷笑三閭多事此身將隱何勞龜卜

風流子

贈劉峻度兼送令弟孝廉公車北上

竹西歌吹地樊川客杜牧擅風流
問壇坫主盟誰操牛

耳孝標苗裔豪邁無儔身將隱簪裾如敝屣丘壑信優游
二八鶯喉嬌歌子夜十三雁柱低按涼州 蘭亭高
會罷紗窗頻剪燭歷亂觥籌為道鬚眉如此笑拂吳鉤
歎錦瑟華年是鄉堪老青州從事此外都休更喜火攻
阿弟五鳳能修

沁園春

誚白髭

歎息吾衰兩兩三三霜雪盈顏怪素絲若練偷描病態

銀莖如戟硬作愁媒面目生疎主人訝客何所聞而不
速來還防汝入宮見妬朋輩嫌猜况逢貝錦蚊雷更
顛倒雌黃蛇與虺歎黑雲突起九關難叫青蠅欲吊隻
影堪哀不自我先不自我後汝乃乘危利我災炎涼態
笑星星髯也果小人哉

又代髭問答

兀坐支頤童子前來再拜致詞告先生頰上荒蕪不治
非其種者鋤而去之鼻堊須斤眼翳湏刮蘭蒞當門亦

見矧先生曰姑徐徐點染化白為緇
鬚言君請無疑
念交絕何須口有疵試數君素友丹鷄白水歲寒有幾
能比松枝我獨憐卿卿何棄我患難周旋不暫離吾知
愧謝叟誠長者下榻于茲

題李考叔聞雞起舞

有客于鬣長劍巍峩殆奇士歟憶請纓北闕曾馳鹿塞
上書幕府親歷無間伏櫪興嗟投竿空老三竺橋邊有
敞廬杯闌後任唾壺敲缺一枕蘧蘧 當年士雅何如

試酌酒荒原弔望諸嘆元龍湖海徒眠高閣侯王甲第
懶曳長裾擊筑狂歌登樓悲憤變作銀鈎蠶尾書掀髯
笑倩羊欣白練揮灑無餘

同繆湘芷前輩及王仲昭諸子看郭園牡丹

惆悵梅花幾日飄零青子纍纍喜盈盈欲笑洛川游女
亭亭未嫁溪畔西施狡獪東君揉鉛搓粉傾國粧成第
一枝端詳處待綠烟滅後明月來時 叮嚀再拜封姨
向錦石雕欄好護持羨池邊嬾婉一雙燕子香中眠食

百隊蜂兒座客皆豪主人拚醉爭看山公倒接巖重游
數教柴扉休掩來往無期

程穆倩六十初度作木蘭花慢自壽中借禽蟲
為喻索題賦此

何以觴君非狷非狂石戶之農更高懷磊磊如求旦鳥
孤踪踽踽號可憐蟲六十平頭自嘲自壽爰穀雕龍絕
未工斯人也信諧方曼倩癖似張融 寓言十九朦朧
笑螺贏鷓鴣趣不同看華胥世界魂游燕國南柯太守

腹坦槐宮銅雀崔巍金貂富貴烏有先生亡是公三杯
後任蠻爭角左蟲走禪中

題陳其年烏絲詞

天上張星遊戲人間我幸見之羨高陽里第門纔旋馬
西園公子賦必探驪八斗才華五陵逸氣蘆白爭傳絕
妙辭旗亭上有諸伶按拍玉笛金徽奚囊白雪霏霏
信此曲從來和者稀似秦郵太史風流旖旎渭南老子
渾脫雄奇揚子濤深洞庭月冷應有魚龍駭且飛觀止

矣待曹王敵手險韻重題

題孫坦夫想想園

達者莊生寓言十九天地蘧廬歎世人勞攘求田問舍
經營慘澹種柳栽蒲金谷豪華平泉佳勝魚鳥樓臺總
畫圖今安在見雕梁去燕寒樹啼鳥 先生晚狎樵漁
早悟却浮生是夢歟看朱甍畫棟都成泡影丹丘碧海
隨處吾廬結構徒工後人誚拙千頃何須覓木奴非
想向羲皇高卧彭羨為徒

又

烏有園林幻耶真耶其如墨莊問陳家結綺空餘智井
隋宮錦樹但有垂楊孝子追思悲深肯構杖履依稀不
暫忘歸來此在閨風之圃廣漠之鄉誰言大壑舟藏
况電馬飈車鮮定方譬生前嗜芟無忘屈到沒而尸祝
不替庚桑神所馮依精魂來往月榭風軒白石牀真佳
話似桃源雞犬未是荒唐

題陳希夷大書壽字為同年張蓼匪祝

西岳峻嶒有仙人高卧曾跨青牛見山孫亭畔蒼苔石
室雲臺觀裏素牘銀鈎天嬌游龍蹁跹舞鳳筆陣鍾王
未可儔裝演了向錦堂高挂第一箕疇使君文采風
流賦歸去來兮尚黑頭羨玉燕開祥前身昴宿金貂累
葉家世留侯甲子初周鬚眉未艾種菊栽松樂事稠將
進酒喚希夷睡醒同醉金甌

題陳醵菴三一三圖

所謂伊人玉貌頎然碧瞳紫髯羨荷裳蕙帶五陵公子

黃冠葛屨丈室瞿曇鶴立仙姿虎頭妙筆頰上添毫一
二三參同契任洪崖把臂彌勒同龕飄蕭素髮鬢鬢
似柱下猶龍問老聃向世出世間先窺太極用無用處
椎破連環形影交忘畫圖三昧白板枯禪不待參從君
老願擔簦五岳結制精藍

題王壻五文小像

楚楚王郎有美清揚雜佩瓊瑤羨白玉牀邊右軍坦腹
烏衣巷口小女提甕二十年来居諸荏苒驚見免曹項

領成還聽得旁人爭說玉潤水清
更憐磊磊英英似
過未封胡舊有名喜蠟屐重來同探禹穴貂裘垂敝且
住吳城伏櫪悲歌題橋壯志千里驂騑待一鳴吾衰矣
賴門楣有客歸老柴荆

送孫無言歸黃山

鎮日思歸臨水登山云胡不歸羨君誠高士堪五湖長
予其逋客愧北山移結遍賢豪厭聞歌管十載揚州夢
已非家何在有珠簾雲海雪竇烟霏
年年車馬遶遲

空折盡隋堤柳幾枝笑故園三徑桂蘭頻老層巒萬疊
猿鶴長啼或問先生笑而不答待滿詞人餞別詩真歸
矣任山靈見誚百罰奚辭

張黃門救菴招飲郊園感舊而作

君有愛子最
愛吾兒亦吳

也 姪出

把酒花前俛仰乾坤猶剩吾曹憶西清奉引曾陪汲黯
南冠憔悴同祭臯陶諫草空焚釣竿長把三徑荒蕪仲
蔚蒿長安道嘆東門黃犬幾度悲號 於今華髮蕭蕭

但痛飲狂歌興未消
向蓮社叅禪無人能解醉
鄉娛老有托而逃白眼
看他飛揚跋扈螺贏螟蛉之二豪
三年後問兩家兒子誰似枚臯

金公調賢而隱於醫
有園林竹石之樂
年已逾六
新納一姬
先生素患頭風
作此詞嘲之

柳暗柴門苔深竹徑芍藥初紅
羨烟霞高卧結廬水曲
鹿麋為伴避世牆東
女子知名兒童拍手笑
指韓康藥滿籠
吾何幸向繩床丹竈鎮日相從
朝來睡起初慵

恰神女飛來第幾峰
看博山爐底雙眠翡翠綠
紗窗外並蒂芙蓉我輩鍾情溫柔堪老鶴似精神玉似容催粧賦校陳琳檄草立愈頭風

賀新郎

為楊漢汾納姬作

寶鏡嬌鸞舞恰蘭舟迎來桃葉香凝金縷八月廣陵秋色好吹上遠山眉嫵問今夕三星在戶廿四橋頭明月在倩紅牙翠管翻花譜情定句為郎補粧成倦倚梅

花塢問檀郎未諳心性偷詢鸚鵡咫尺蓬山誰得到長
是君家為主算只有信陵公子一片雄心無處寄向溫
柔隊裏尋鄉土歌且醉戍籌五

蕭山任干之成進士歸里作此詞以贈之

我愛任公子把珊瑚綸竿垂處六鰲連起三百人中君
最少賦奏天顏有喜暫勞汝烹鮮妙指杏苑看花青絲
騎歌帽簷踏遍長安市喧驟貴洛陽紙 官袍畫錦高
陽里恰湘湖蓴絲正熟故人來止一笑登堂開家釀盤

有青梅朱李雞再唱老夫醉矣萬里長風方破浪羨龔
黃事業從茲始天下士獨御耳

為侍御楊琢菴題像

野鶴昂藏意是當年彈文柱後楊球司隸驄馬連錢霄
漢上騎出五侯爭避誰信道蛾眉見忌飄泊東南天地
外長五湖不待官家賜逢醉尉防其罟 虎頭妙筆真
無二寫元龍豪舉不似三閭顛顛歷遍九州夷險路惟
有醉鄉堪寄更許我入林把臂二八嬋娟彈錦瑟倩尊

前暫閣英雄淚歌既闕唾壺碎

吳茵次太守五十初度有序

茵次吳君延陵華胄姑射仙姿藝苑笙簧執珠盤之
牛耳巖廊珪璧羨玉署之鳳毛黃麻紵縉領絲綸密
勿之班皂蓋朱轡在山水清幽之地威行破柱聿害
馬之先驅惠洽窮檐見飛鴻之爰集跂彼織女七襄
弗困於繭絲嗟我農人萬井無悲于星留行春勸稼
不驚鷗鷺之鄉載酒看雲遍踐麕猿之徑鄭當時之

好客邑有飛郵范史雲之飲冰釜無餘粟洵哉才望
兼收政稱廉卓風流嗣美吏號神仙者也節屆迎長
公為始滿無疆遐算隨宮縷以俱添有美一人采民
風而偕樂逢斯令序應南極之星辰躋彼公堂進前
溪之歌舞某偶因覽勝暫維雪夜之舟幸與論文屢
跋蕭齋之燭言觀父老猷聞獻兕之歌濫廁賓朋聊
展放鳩之悃敬陳下里以侑一觴

山水菰城好算從來風流刺史柳顏雙表君自玉皇香

案吏謫向方壺員嶠隼旗至豺狼立掃鳴鼓放衙無箇
事對堂中六客攄長嘯誰喚起孫莘老 駢闐士女歡
相告道吾君今年稱艾朱顏彌皎百榼千觥齊拜舞不
似醉翁潦倒佳客有鄒枚顏鮑洗盞高臺臨翠巘任觥
籌歷亂霜天曉何足羨中書考

題松鶴圖為金鎮遠憲長壽

甲第誰能亞一堂中謝家珠樹鮑家驄馬善體重華欽
恤意清問先於矜寡早貫索光芒退舍父老扶筇來獻

兕道騶虞幡下無冤者天賜與萬間厦
踰躔雙鶴孤
山下似君侯雄姿磊落風期灑灑松底茯苓千歲外堪
佐錦堂盃筯且莫把玉山頽也三竺六橋新雨後恰笙
歌畫舫公餘暇游秉燭留佳話

方繡山同年長郎新娶

海燕雕梁語認烏衣舊家宅巷雙棲偕旅小謝翩翩如
逸少千里驂騶初舉羨孔雀屏風開處家在鳳凰臺畔
住紫鸞車簇擁吹簫侶天付與玄霜杵
阿翁早解淵

明組記摩挲掌中英物石麟誇汝佳婦佳兒雙白壁詩
奏南陔華黍劉表男兒纜尺許欲倩蹇修他日後卜西
鄰勉娶田家女呼老友烹肥羜

楊商賢病起話舊賦此志感

吾輩今衰也憶當年偕游諸子天街躍馬跋扈飛揚驚
四座況有稱衡善罵謂青蚧也同醉酒昭王臺下袒裼高樓

呼五白和悲歌旁若無人者懷古昔追風雅 回頭萬
事成飄瓦況新來友人彫喪船餘書畫惻愴山陽思舊

賦鄰笛何堪中夜算只有窮愁東野桃葉渡頭聊卜築
問秋娘尚復能妖冶君不語淚盈把

登燕子磯閣望大江作

絕壁銜飛閣倚寒空嶒岵窈窕是誰瓊琢六代興亡如
逝水烟冷千尋鐵索夢不到烏衣簾箔結綺臨春歌舞
散大江流尚繞青山郭悲自語簷邊鐸 滔滔東下風
濤作俯層欄鼉鼉出沒雪山散薄况是清秋明月夜何
處樓船吹角早驚起南飛烏鵲估客船從巴蜀下看帆

檣半向青天落吾欲醉騎黃鶴

寄懷黃仙裳

雙槳將鳴也投半刺汝南叔度丰姿閒雅倒屣延君居
上座談笑風生朱夏長太息娉婷未嫁袖出明珠三百
斛是元和而上開元下堪把臂遠公社 相思久矣相
逢乍立斯須迴帆羯鼓為君重打同學少年多不賤強
半五陵衣馬誰信道黃鍾啞載酒陳琳荒塚畔是當
年曾遇知音者千載後爾其亞

欽定四庫全書



十五家詞

二十七

十五家詞卷七

欽定四庫全書

十五家詞卷八

休寧孫默編

曹爾堪南溪詞上

小令

搗練子

乙亥冬暮曉行

風欲靜凍交加冰嚙霜痕閣岸斜流水無聲波不起冷
烟微月寫輕霞

春思

人正倦晝偏長夢醒微聞繡閣香花徑尋芳誰是伴金
衣公子雪衣孃

廬州廣華寺旅懷

甲辰

江北路解東頭白恰青驃絆客愁梧雨滴殘蛩語咽他
鄉明日是中秋

望江南

題疑舫

真曠遠空碧捲簾收為道岸高知是屋如逢水漲便疑
舟身世可沈浮

戊寅初夏

初夏好門外嫩涼吹筍點斑痕抽玳瑁水添綠暈漲玻
璃新結竹邊籬

紀游五首

金陵好艷集記前朝桃葉清尊銀甲鬧雨花都講柘衫
嬌春在木蘭橈

二

蕪城好，魄動舞衫中。
翠黛波心商舶曉，紅燈店口市橋風。
小杜醉樓東。

三

西湖好，鎮日冶游天。
青雀暮還菱作鏡，紫駟春競柳飛綿。
鶯語畫簾前。

四

山塘好，匙雪虎丘茶。
近水雕梁頻坐燕，護晴油幙巧分

花滌器麗人家

五

蘭亭好簫鼓越中行石馬古苔南鎮廟卧龍新柳夏王
城流水十分清

憶王孫

無題

侍兒新沐避芳叢整理簪花笑語工為愛新晴垂柳濃
掛簾攏風攪山茶滿地紅

如夢令

江村

芳蕨桃花江渚管領漁蓑歸去唱起竹枝詞獨自輕移
柔櫓深處深處添得半篙春雨

初寒卽事

溪畔蘋花開小牆角低垂紅棗深夜卷西風床下莎雞
來早傾倒傾倒秋社新醅正好

長相思

寄跡荒塢一月感而有作

溪邊蘆水邊梧我唱新詩興未孤錦囊隨小奴
樽常
枯偈常逋舊識僧徒和酒徒年來多半踈

荻溪農家

朝來晴晚來晴罩屋桑陰分外清短簷鳩婦聲
雲須
耕雨須耕新織蓑衣掩骨輕竹枝歌太平

有懷

寒潮生暮潮平綠柳朱欄繡戶明有人花下行
晨調

笙夜調箏博得風流隊裏名惟留年少情

相見懽

春曉

早春數徧庭梅雪中開果是深深院宇印莓苔無箇
事牽愁思儘悠哉百古驚人不管枕邊催

江村

水痕新漲苔磯杏花飛江岸蒲牙如箭鱖魚肥 蠅頭
利爭無已昨原非只有子規明白喚人歸

生查子

和澹心

花開別後枝草滿來時路白藕五更風紅豆三更雨
歌喉月五沈舞影雲同去留只為人留住肯隨君住

別思

柳枝離別多杜牧風流在薄倖不成憐休挽荷花戴
燈前印口脂鏡裏留眉黛愁緒問如何雨滴蕉心碎

昭君怨

已卯二月周斯羽兄弟招集舟中觀演家劇魏
子一于雨中為予圖扇因調小詞題其上

日暮畫船微雨圖取春陰縷縷烟氣散江渚柳痕垂
一筆遠村如抹望去胭脂欲溼屋角有桃花是誰家

女冠子

秋日述懷

淡烟濃水正值江南秋美力田嘉小巷晴收秫山厨晚
煮瓜 鷺黃家醞酒猩赤手栽花一雨重陽近覺寒些

山房寒思

吳船來往愛聽畫眉停槳冷紅飛石醜猶稱丈花嬌却
字妃 佇看千藥綻空憶四腮肥松鼠簷前落已忘機

點絳脣

丙子夏日村墅

長晝方炎晝梁歸喘尋泥燕桔槔聲斷露稻幽香遍
倚樹當風欲比閒雲倦蘋花院小池波淺綠上窗紗半

江村

苦是春陰桃花半落江村暮垂楊千樹縹緲漁船渡
青滿田疇難認牛羊路溪邊步野鷗飛去只愛無人處

感舊

記得黃昏看稍微見紅潮印夜深低問釀作分離恨

翻悔當初合了鴛鴦枕嗟孤另欲通佳訊人遠天涯近

作音
做

遣夏東除菴

蓮褪紅衣迴塘雨蓋藏鷓鴣柳絲嫌直故倩鶯來織

蒲戟青稠點綴清溪色
方池黑細魚吞墨
道士鶯難得
沛上懷古

禾黍風清亂山高
下供憑弔龍吟虎嘯絳灌由屠釣
轉眼興亡陵闕餘殘燒
誰能料漢家遺廟明月依然照

陸舫春思

沙暖蒲香鳳池漲
綠晴波皺搓黃御柳三月春方透
小徑閒吟碧蘚生
鴛鴦消晴晝雨絲拖逗似補梨花瘦

秋暮旅懷東翼蒼

衰草重岡雁燈吹滅諸陵火誰家菊蕊開近扶風左
無限悲秋難覓江淮柁耽枯坐閒門深鎖紅葉堆中我

旅曉東漢思

幔卷同雲平皋木介霜威蕭柳條吹禿猶映晴淮綠
道德微言為目寧為腹堪三復他年空谷活火煨黃獨

浣溪紗

曉起

樂事貧家竟不貪疎風斜雨過城南單紗消受嫩涼甘

男
宿硯頻催童子滌好花頰與侍兒簪暗將私語賭宜

秋日園居 二調

謝客微軀不願勞病餘覺減酒狂豪花間行礙接羅高
箇箇蔓牽黃荔子垂垂架掛紫蒲萄曉盛芳露和蘭
膏

消夏如忘伏日高藤床一枕暑能逃起呼童子候茶濤
書有蠹巢思曝卷箋遺蠅墨阻揮毫編來團扇鶴遺

毛

春詞

荔子紅綾窄稱身輕龍淡墨舞衫新回眸檢點着芳塵
黃雀夜飛歸玉輦紫駟日暖鬧朱輪青樓梳掠惹游
人

夏詞

八尺龍鬚一尺綃初離涼枕印紅潮自然香膩洗難消
玳瑁簾垂留紫燕珊瑚架倒戲金貓藕絲香裏送鸞

簫

秋詞

玉盃低斟酒力微
風前團扇未停揮
砧敲紅淚落征衣
愁見月高寒繡箔
起乘人靜弄金徽
鴛鴦幔冷一螢

飛

冬詞

翠被難溫夜似年
珠簾輕捲霧如烟
寒鴉啼到畫梁邊
鸚鵡怯風攢綠羽
金猊貯火熨紅氈
秦箏凍斷十三

綾

過靈塔巷

棘刺杉針墓外田鴨頭勻綠瀉堂前山僧擁衲只高眠
粉蝶影深垂柳畔石橋路仄野鳧邊斜陽踏破草芊
芊

出郭

綠徧汀蒲淺浪交波揺新柳散晴郊幽人攜屐叩蓬茅
蛙駭早雷開蟄戶鵲占太歲啓春巢歸來斜日過花

梢

閨情

朱檻移燈拾翠鈿
碧紗窗裏簾紋圓
薄寒微覺枕痕邊
鵝鵝帳開調鳳髓
鷓鴣曲就撥鶉絃
銀箏撩我不曾

眠

燕邸清明

宮柳迎風翦綠齊
隗臺春壓杏花低
誰家小襪印香泥
玉勒連錢盤輦路
毳裘油壁駐金堤
舊陵芳草杜鵑

啼

感秋

霜急清砧禁樹紅
畫垂銀蒜雨濛濛
洞簫吹倚畫樓空
丹鳳城高烏叫月
白龍堆冷馬嘶風
邊愁都在暮笳

中

邯鄲道中

趙國寒烟繞鹿車
曉星晴掛柳梢斜
叢臺何處問繁華
公子毬場爭蹴鞠
佳人繡閣鬪琵琶
祇餘秋草沒黃

沙

晚秋漫興

曉露生妍黑丑花亂蟲鳴軋木棉斜索梨霜葉赤如砂
真似客歸遺燕壘儘容人占是鷗沙柴門中有故侯
家

菩薩蠻

有贈

夜闌香汗羅衫薄涼生枕簟人兒覺欲去且遲遲流連

三伏時 妾家何處住白廟西原路鄉漫說溫柔此鄉
應可遊

卜筮子

憶夢

愁劇暫成眠有夢輕如絮醒後猶期會面難何況天涯
路 相見不禁歡醒却無尋處但願年年在夢中一世
和郎住

醜奴兒令

曉粧

曉風吹破流蘇暖花滿香奩蝶滿湘簾拾起殘紅玉笋
尖未梳蟬鬢如雲壓膏沐微沾宮粉輕拈十樣新着
懶去添

閨思

遠山染黛簾初卷新月微籠薄霧輕籠只許巫山入夢
中曉粧惆悵無人見杏樣衫紅茜樣鞋紅半臂殷勤
護守宮

惜別

多情一向真癡絕
范蠡湖邊西子湖邊
兩地相逢再世
緣別時杯酒澆何處
夜合花前芍藥花前
獨自悲歡

若箇憐

芍藥花一名將離

減字木蘭花

夏日雜咏

幽蘭欲吐移進闌干看
愈嫵散髮當風上有千尋綠蔭
濃納涼池閣林影波中魚戲樂
芳餌剛垂一尺黃魚

上釣絲

初夏放舟郭外

垂垂紫棟四月江心頻點燕亭館誰家天棘抽條出屋
斜輕舸不憑移向伍塘風力緊晴日將西黃犢江村
水一犁

春暮

晚飄紅雨吹亂薔薇啼杜宇綠樹新陰中有青樓惜別
心湘簾半落細聽呢喃催繡箔心事誰傳傳語鸚哥

當錦箋

清和晝涼釀陰不雨小詞志憶二調

籜龍抽綠兩部笙簧池上續猩染薔薇雪壓醅醪蝶亂
飛半牀絃管櫻筍風光過小滿最憶清娛釣具茶鎗
寄五湖

陰晴堪畫修竹清風隣可借紅藥初開青雀油幢載酒
來舊游如夢柳絮黏泥飛不動好語花卿何滿休彈
第一聲

謁金門

寫別

多情種別後淚痕潮湧綺戶海棠春雨重芳心愁自捧
花也和人爭寵腸斷錦衾孤擁小字紅箋誰與送相
思看筆冢

好事近

送客北遊

斯世少英雄應笑成名豎字衰草夕陽猶望弔金元遺

壘 霜橋孤月照空囊
枯樹亂鴉起旅館
蕪菁低照讀
數行殘史

夷門書屋

在虎丘鐵花菴

舴艋汎溪花流水
一灣堪泊古木撐雲溜雨似垂髯
猿 山中日靜已忘年
展卷代行樂短簿祠前歸去見
紫薇開落

憶秦娥

戲和

垂珠幕羅裙怕引狂風惡狂風惡畫樓深處是誰輕薄
帳兒偎倚星兒落莫驚犬吠金鈴索金鈴索饒他夜
靜有人知覺

冬感

殘霞沒隄縻凍黑西風突西風突怪鴟悲嘯一天霜月
銜杯慷慨冠銜髮古今人物都消歇都消歇陰房鬼
火戰場枯骨

傷逝

東君惡好花未足風先落風先落啼猿兩岸峽雲飄泊
問天搔首天疑錯無端玉樹塵埋却塵埋却諸公皆
在斯人不作

清平樂

閨詞

着痕頻皺不似東風舊欺盡孤眠寒更透生得腰肢原
瘦梨花靜掩長門尋常過幾黄昏魂向當初銷盡如
何又說銷魂

隔船却寄為澹心賦和韻

輕衫雪皎穩稱身材小
隔水秋波頻送巧
勾引相思難了
柳枝插入楊枝故人青眼
修着對面盈盈不語
渾疑暗憶當時

答澹心

故人何處居
傍要離墓
滕六翦花濃
似絮練鵲巧穿林
去翩翩鶴
覽羊裘
羨伊才子風流
試種疎梅繞屋
暮年端傲封侯

甘草子

春情

春暮曉霧空濛認做絲絲雨
侍女醒扶頭釵墜驚鸚鵡
百尺遊絲輕舉空罥住梨花難吐
喚起朝朝枕邊語
恨多情如許

阮郎歸

寒村漫興

澗流傳響聚沙紅
海雲城角濃
征途肅肅繞寒風
霜花

催曉鴻 粉樹底 荻花東 遠村詩畫中 虎頭老手輞川
翁知他同不同

錦堂春

清涼寺掃葉上人山樓

如練澄江東瀉春 鋤舞雪蒙茸倚樓 遇見迎潮燕飛趁
片帆風 楚蜀烟波不斷 齊梁佳麗都空 山僧不識興
亡感 閒數落花紅

朝中措

龍潭驛懷舊

驚濤吹簸老龍愁暮雨且停驂紅樹斜分建業青山多
在江南 遠檣排漢亂帆擊汰百尺空潭一曲渭城歌
罷酒樓誰是何處

東干小憩

平沙水漫暮潮通亞竹野桃紅燕子國中佳日白鷗社
裏東風 干將故里避喧劇跡斗酒過從錯字休教鐵
鑄來尋三泖漁翁

山花子

秋晚

黃蝶尋花褪薄衣
槐陰吹老漏斜暉
紅棗掛枝秋已熟
打應稀
不斷雁聲和月叫
重驚鴉宿帶霜飛
田有香
杭園有菊幾時歸

柳梢青

春閨

昨日清明桃花紅浪
做出多情帶恨粘愁
無端惹住一

點春錫 東風難雨難晴看又過殘花亂鶯酒畔關心
燈前偷淚撩亂銀箏

西江月

題懸真子浮家泛宅圖和韻

有客漁焉終老惟君賜者為家釣竿茶竈隔船紗攜去
隨潮上下 水口紅桃流散山前白鷺飛斜風波惡處
舞神鴉笑捲青簑歸罷

歸真

一枕微侵雲鬢三更方卸鞋弓解衣瞥見舞裙紅何事
挑燈相送 會逐曉雲俱散魂隨春絮常通鴛鴦睡醒
畫樓空枉做人間癡夢

和壁間韻

白日難教東下清淮肯使西流春風吹罷又驚秋早嘆
朱顏非舊 烏巷家家王謝黃初字字徐劉荒榛鬼火
北邙頭誰是諸公之後

景陽樓

絲管競調玉樹攏
穠暗墜金鈿酒酣狎客
劈紅箋受用
佳人捧硯
盡道無愁
天子還疑有劫
神仙景陽鐘罷
最堪憐井上胭脂零亂

隋苑

別殿珠簾夜月長
堤御柳春風繁華三十六
離宮鈿合
同心誰送
龍舸方遊
汴水狼烟旋報
京東錦衾繞與
夢兒同轉眼
迷樓是夢

詠懷

索筆久陪南苑含香近侍西清春風淡沲夢江城賀監
湖光似鏡白髮衰年易過黃金大藥難成病坊早已
屬先生誰道文園渴更

少年遊

東友

故園春到弄芳菲人靜落紅稀柳岸漁汀風來水面鷓
鴒一雙飛 柳東丙舍宵聞鶴瀟灑芰荷衣鱸膾烘鹽
尊羹襍豉何負季鷹歸

醉花陰

春景

烘桃熨柳春方縱
紅雨花梢重
風日近清明
幾片榆錢
都算鶯兒俸
冷烟堆徑
和誰共
苔補閒階
空杜宇
莫頻啼
不喚人歸
只喚三更夢

南歌子

西湖夜汎

鏡展嬌如雪
衫輕怯受風
薄陰偏覺鬢絲濃
獨喜清秋

無暑畫船空 頻勸杯中綠微添酒後紅銀筍一曲手
玲瓏見有檀痕低摺印酥胸

雙調望江南

秋暮

秋欲暮江水盡生涼鷗浴似添濤外雪林疎微映菊前
黃村屋日恒長 初刈獲秔秫半登場籩起肥螯宜買
醉甕傾新酒遠聞香一笑舉杯觴

浪淘沙

戊寅十二月二日過智月禪院時冬燠紅梅盛

開

喚渡近衡門信步南村薄綿今日覺微溫梅染胭脂先
破臘伴佛黃昏 冷淡許誰論菜甲篋孫逢僧閒話半
無根斜日一簾當戶捲曝取朝暾

上巳

送煖曉來風春信微通滿城芳草暮愁中寒食纔過宮
柳暗烟樹朦朧 杜曲踏芳叢有箇人同盤龍繡領御

溝東日落河橋歸路晚
嘶斷花驄

甲辰寒夜遇同館周文夏侍御于虎丘步月

松影繞迴塘小閣焚香可中亭外月如霜
劍氣渾疑衝靜夜一片寒光
落葉打虛廊僧夢方長排空叫雁也
成行容我五湖隨范蠡烟雨鳴榔

鷓鴣天

送客之金陵

羅綺香殘舊院空
石城橋畔掛晴虹
柔情常在琴心裏

別意難消燭淚中
江水白落花紅小樓山色六朝同
莫愁家近頻來往
蘭橈輕隨燕子風

野塘即事

蟹舍鷄棲共一椽
千竿修竹弄晴烟
鳥聲都在征鼙外
兵氣猶纏大角邊
書案淨襟花妍種
魚栽藕野塘偏
木香吹雪人閒坐
讀罷莊生駢拇篇

新秋

蟾影新鉤破碧天
嫩涼池館日如年
三分鶯舌紅蕉上

萬顆鮫珠白藕邊
愁夢斷薄情牽鴛鴦債已了前緣
一聲蟋蟀梧桐雨冰簟風清穩晝眠

午日京邸感懷

太液菖蒲汎酒時
賜衣唯有近臣知
銀盤郁李登公讌
丹砌戎葵映屈卮
傾鑿落和參差
楚江風咽大招辭
攀髯未解烏號痛
續命虛傳五色絲

秋邸二調

草綠閒庭曉露清
棗紅簷角蜡秋晴
鸚哥簾底頻頻喚

鴉鼻階前細細生
銅箭靜石床平游仙不與換公卿
梭韃弱笠蛇條杖好向緱山頂上行

牆缺城西望翠微東隣槐柳是耶非
簷條新接龍鬚老園甲纔抽馬齒肥
花正好露方稀揉藍按紫劇芳菲
秋蟲巧變黃蝴蝶也學鷓鴣一樣飛

雪意

漠漠重雲足四垂紙窗風靜覺輕吹
水仙怕凍先遮箔田芋思煨待舉卮
前有句好吟詩安排險韻寫瓊枝

呼童急往前村去，趁此泥乾認酒旗。

冬日小集

赤葉樓頭好醉看，高歌一曲笑彈冠。
剖香橘柚吳姬手，撮細蒲萄燕市盤。
紅袖側易為歡，多情莫厭酒杯殘。
惟耽杜牧風流句，不點明犀也辟寒。

重陽

節屆重陽覺薄涼，閉門消得一杯漿。
繞籬菊賤先開紫，食稻螯肥漸有黃。
城角下小亭荒，芟夷秋草受秋暘。

登高不用茱萸袋自有奚奴舊錦囊

虞美人

村居

綠楊青草春生處疑有高人住芒鞋不惜破蒼苔為看
彈碁日日倩筇來依稀避世桃源僻城市何曾識茅
廬也有客為隣剛是半移耕叟半漁人

新秋鳳仙一名女兒花

粉牆雨溼生青草乳燕秋重老鴨爐灰冷篆烟微愁見

碧紗如水亂螢飛
暮蟬不住吟疎柳
閒放彈箏手空階
風裊一枝斜偏是
女兒花對斷腸花

有贈

輕衫窄袖身材小
影向銀燈好珠歌
勸飲度清圓無奈
尊前侍立暗生憐
牡丹亭榭花如繡
巧對紅兒瘦初開
豆蔻尚含春轉是
五更風雨會愁人

歸興寄郁光伯尉周質菴侍御

草堂修竹猶無恙
綠淨溪痕漲春來
小雨課耰鋤閒向

梅花香裏讀殘書
隣家芳榭餘烟草紅藥階如掃
君恩肯許逐臣歸
昨夜夢中先到舊漁磯

酬澹心見贈

紙窗毳衲烏皮几
石氣涼于水牆東避世慣
尋僧攜得一枝筇
杖過金陵江潭衰柳黏霜薄
遥歎宮槐落風波惡
處度年華憑着鐵船湖海作生涯

木蘭花令

秋憶

木瓜香編鍾山道桂子倩人斜挿帽歌搖朱雀桁前花
酒濺烏衣堂下草十年浪跡浮雲杳畫檻生烟無客
到沙家零落冠家貧若箇琵琶傳賀老

送客南還

輕裝破浪衝天塹醉裏吳鉤看不厭催人兩鬢是雙丸
伴汝孤帆惟一劍五湖烟景從今占欵乃蓮歌游女
艷縱令珠履曳侯門只抵黃梁眠客店

己亥中秋京邸懷舊

戊戌中秋客維揚
次六一居士韻

平山堂外青螺濶廿四橋邊流水咽無端擊筑動悲歌
俠骨難教脂粉抹 銜杯仰視浮雲滑搖筆堪追秋興
八蕪城烟景不勝愁舞帳牽蘿空夜月

秋暮旅懷

再用前韻

馬蹄踏徧平沙濶別院時聞笙管咽霜前白雁已南飛
潑墨愁看鴉陣抹 紅槽滴酒真珠滑炊熟黃梁尋衛
八風吹殘柳碧星稀門外轆轤鳴曉月

金魚池

三用前韻

虬松碧瓦雲邊潤堤上鳴泉流且咽胭脂兩靨鬪新妝
懶髓尤憐着際抹臨池綺席壺觴滑公子遨遊溝丈
八琵琶少婦關紅樓箇箇酥胸斜抱月

寄松之四用前韻

回頭吳楚風烟濶離思渾如枯澗咽東華撲面軟塵多
慙愧何郎連汗抹尊羹羨爾沾脣滑作者七人今有
八垂虹秋色最闕情知向長橋看串月

吳下風俗月夕
遇看長橋月影

其形如
串故名

步蟾宮

秋意

木犀香吐金英細
碧水畔金風如洗
高樓一夜對嬋娟
鬢髻在廣寒宮裏
疎風淡漢無纖膩
坐漸覺露華微
泚潁桐葉底
鬪鶴鶉空攪亂花陰滿地

南鄉子

初夏

浴水燕飛忙
門外長溪碧繞塘
柳暗柴門遮屋角
隣牆

又見梧陰過草堂
風動落花涼
樹樹新濃罩
曲房中
有烏巢
渾不見
鷺藏為乳
雙雛覺晝長

冬曉

恨刻賀裳

鸚鵡懶梳翎
巧學人聲喚
小名昨夜蠟
梅花凍了零星
纖手敲冰出膽瓶
初旭暖芳屏
卷幔重重酒半醒
枕上高吟詩句好
消停惹得鷓鬢閣繡聽

春情

酒病中春朝
頰暈檳榔醉
未消手簡
龍團吹活火
頻燒

金瓶梅詞話卷八
茶竈輕翻蟹眼潮 多事在今宵淡寫青山半幅綃付
與紅兒收貯了偏嬌銀甲調成和紫簫

贈紅兒河陽妓

停酒按紅牙蘇合香濃掠鬢鴉秋水模糊偏可惜天斜
十五娉婷早破瓜 愁恨徧天涯飛絮啼鶯是妾家莫
道臙脂開未足驚誇却占河陽一縣花

送客還閩

閩海國南鄉萬里歸程嶺樹荒日落行人愁虎豹蒼涼

惱煞杉雞報夕陽
結客騰詩囊古劍芒
鞵鐵柄襠如火
炎風蒸荔熟甘香
飽噉晶盤十八孃

醉落魄

春暮村居

鼠姑纔落香浮小徑
抽紅藥時過穀雨
春陰薄紫棟翻
風一燕池邊掠
孤村莫怪門羅雀
掀髯長嘯甘藜藿
來年豌豆供杯勺
託興羲皇為我辭
蝸角

踏莎行

惜別

一夜如年兩着空
嫵臨妝怕見愁痕鎖
東流還有再回時
忍教永別歸黃土
彩鳳難飛靈犀自吐
鴛鴦瓦缺
漳臺古夢中紅淚萬千行
醒來都是桃花雨

春景

翠染晴嵐藍拖曲水
雕鞍且傍垂楊繫
金魚池上賣花天
探春如雪丁香紫
別院搗箏小亭浮蜩
畫樓歌管雲中起
錦繩高挂粉牆低落
紅都在鞦韆裏

長安秋思 三調

碣石峇嶢崆峒突兀龍蟠鳳翥圍宮闕毘盧閣上望神州
人烟九點青如髮 北海壺觴西城鞵襪薊門斗酒

狂歌發金元戰壘草黏天黃沙萬里懸秋月

報國寺毘盧閣最高

舟比黃龍船名青雀相傳萬歷年間作水嬉一試起狂
風牙檣錦纜今零落 菡萏秋殘芙蓉雨弱橋邊玉板

猶如昨釵鈿鏞蝕舊粧臺行人錯擬臨春閣

有遼后梳粧臺遺址

漢時松青秦闕月白居庸山翠浮千尺皂鵬風勁起摩

雲寒霜欲變秋林赤
不律吟孤巨羅愁釋酣眠且看
長安奕城頭一夜動悲茹離腸早斷江南客

小重山

寄訊戲和友沂

並翅文鴛疊錦茵倚闌聞一歎為何人
看痕愁鎖遠山顰
春風悄無緒喚真真
綺陌漾芳塵步搖歌綠鬢舞
衫新穿花癡蝶露全身羅裙褪自有暗香親

中調

臨江仙

有贈

可怪儂家香不散
吳衫到處提攜
我方擬似恐難齊
自然真味在芳麝
正填臍
又是碧雲繞一挽
鷓鬢壓耳
猶低遙知年可及
垂筭春宵
經夜雨未解作悲啼

劉墨仙移榻梅花菴用錢爾斐韻簡寄

君在梅花和尚墓
想應讓與君龕
梅花栽在墓之南
老僧消受得日日誦華嚴
快聚夜深愁客散
惟留月影

空潭曉來卧看壁頭山惜花乎病酒乃似再眠盤

初夏清溪閒泛

十畝之間新霽色愛看桑者閑閑扁舟歇處野蒿繁小
橋蝌蚪黑急水隊魚斑我羨村家風味美脩然茅屋
三間柳陰泥溼麥泥乾曉鶯新識路飛去又飛還

湖上遇游客漫賦

問是誰家游冶子風流真箇無雙兩行紅袖對銀缸千
金全不惜春色果難降慢卷湖船憐小鳳山蒼引入

高窗偷攜鸚鵡浴平江玉鈎藏細柳記奏隴西腔

寄西湖友人

萬疊玻璃開曉鏡畫橈隨處堪停杏花村渚倚紅亭遠
山平仲綠幽徑寄奴青學士橋邊踰髮嘯扶筇應到
南屏鶯啼深柳待同聽仙人吹鐵篴小妓索銀餅

金灘寒夕

疎柳寒村聞暮角牙檣不駭閒鷗雁聲低度水邊樓冰
紋烘雀瓦雪片壓羊裘畫省爐烟猶在眼故人詩酒

網繆檀槽玉軫劇風流周郎能顧曲平子也銷愁

贈僧

曾向山中消日月飽看竹翠楓丹馴猿守洞虎登壇地
爐燒鴨脚晴葉焙龍團 偶到人間持鉢坐粥魚聲繞
空灘浮生彈指悟邯鄲孤筇衝積雪百衲護春寒

蝶戀花

題茜溪齋壁

小小荒廬圍綠水門外清陰近水栽桃李古道不須留

姓氏負薪識是隣家子
笑問隣童曾識汝
屈指東邊
着第三家是一檐東
芻挑乍起晚炊看出茅簷裏

秋暮

一把黃茅新蓋屋
簷角低低為避西風
蕭欲向東籬重
繫菊荒園斫得湘君竹
蟋蟀寒吟聲不足
楓樹垂丹
還有些兒綠
九月霜痕融似玉
空階迸下紅榴肉

夜憶

紙帳高懸燈影細
人遠如天欲會愁無計
煩惱何心温

繡被今宵好夢偏迴避
瑞腦生香留半臂別恨年年
悔解愁滋味多是生前相絆繫
鮫綃不盡相思淚

阜城驛

曲岸迴波迷白草皂帽青騾躑躅
燕南道茆店重來人已老
滿庭榭葉隨風掃
淡日寒雲投宿早
隣院清砧幾處心如擣
簷筆鳴珂春夢香悲笳古堠霜天曉

臨洺關夜宿

破壁匡床眠自妥
濁酒頻沽潁卯堆
霜果屈戌青苔門

不鎖棧邊分照蕪菁火 應有征人嘲飯顛憔悴中年
生計渾相左弔澧哀沙多坎坷訴天寒月休欺我

將發廣陵留別穆倩于皇無言

驪唱催人秋未暮兩鬢霜華祇為浮名誤三五嬋娟垂
白露一鞭竟別揚州去 尊酒猶思良夜聚小店晨雞
月落餘烟樹回指紅橋堤畔路油幢烏榜年年度

唐多令

夏夜客齋

金...
卷八
紈扇動微吟
湘簾草色深
苧衫涼鈎月初臨撲起流螢
過別院曾照見女兒心
風壁響清琴
銀蟬送晚林
算青樓露氣蕭森
白面誰家年少客
些箇事會相尋

一翦梅

理繡

襞開五色上衣裳
抽引針長
抽引絲長
養娘新配淺深
粧紅處思量
白處思量
多情已戒繡
鴛鴦蜂又雙雙
蝶又雙雙
誰描花樣使人傷
並蒂蘭房並葯蓮房

風情

春濃畫閣下簾鉤人在青樓書在紅樓誰將芳草字忘
憂花已含愁酒更添愁 淒涼無緒擘篋瘵病似殘秋
夢斷長秋蕭郎離恨託詞頭寫怨梁州入破甘州

漁家傲

秋日過村家小集予舊隣也

紅蓼灘邊頻弄槳農家舴艋如錢蓋郭外清溪流更廣
時蕩漾船輕不怕黏天浪 欸乃一聲何處唱我來茅

屋開新釀柴闕烏柏遙相向雞黍餉月明已掛霜篷上

秋日遣懷

八月秋晴剛過半欲招桂馥因牽幔晴日不寒還不暖
鴻新見為尋舊渚頻頻喚近繞低垣遮客館輕黃蝴蝶
蝶隨人散飄墜梧桐花砌亂閒尋看菊英欲吐東籬畔

蘇幕遮

咏香

麝芳臍烹瑞腦染着衫襟緊伴人昏曉一點檀心難索

討夢醒更深越覺添煩惱
潤能薰潮頓燥著定宮閨
蘭麝宜頻擣縷縷微烟纏不了
透盡孤眠誰更知他好

嘯臺懷古

百泉清叢檜碧風卷虬枝箕踞依頑石
逸邈太行疏乳
液中有高人俯仰尋遺跡
晉公和曾卜宅明哲全生
寒暑陶然適半嶺嘯聲驚木客
阮屐稽琴此輩無容責

全椒道中

冷風尖殘月小野徑高低刺眼橫
蒼篠茆店孤村偏起

早輸與閒鷗靜立寒汀皎
策輕車攜布帽客路年年
短鬢霜深了江許青山屏幃繞烟柳無情斷送人昏曉

風中柳


用劉靜修韻寄友

欲問高人久矣寄情巖谷問蓂殮閉門常足呼童洗竹
艤船尋菊有餘錢買花葺屋古樹當廬常照襟裾生
綠慣棲禽日來尤熟歌聲類曲缶聲類筑算詩才是今
名宿

行香子

構屋水濱喜而賦此

小小疎椽碧水經前每臨溪匹練紅牽蒹葭十畝儘受
荒烟有采菱橈沽酒釣魚船野漲無邊樹影森然
數游鱗傍岸流連更誰貌得晉唐宋間請顧長康吳道
子李龍眠



十五家詞卷八